

**Adroddiad i'r Pwyllgor Safonau**

**Dyddiad y cyfarfod 17 Medi 2021**

**Aelod Arweiniol / Swyddog: Gary Williams, Swyddog Monitro**

**Awdur yr Adroddiad Gary Williams, Swyddog Monitro**

**Teitl Llyfr Achosion Cod Ymddygiad - Ombwdsmon  
Gwasanaethau Cyhoeddus Cymru**

**1. Am beth mae'r adroddiad yn sôn?**

1.1. Mae'r adroddiad yn ymwneud â'r Llyfr Achosion Cod Ymddygiad gan Ombwdsmon Gwasanaethau Cyhoeddus Cymru (yr Ombwdsmon).

**2. Beth yw'r rheswm dros lunio'r adroddiad hwn?**

2.1. Rhoi gwybod i'r Pwyllgor am argraffiad diweddaraf Llyfr Achosion Cod Ymddygiad yr Ombwdsmon.

**3. Beth yw'r Argymhellion?**

3.1. Bod aelodau'r Pwyllgor yn nodi'r wybodaeth sydd yn Llyfr Achosion y Cod Ymddygiad.

**4. Manylion yr Adroddiad**

4.1. Ers 2013 mae'r Ombwdsmon wedi llunio Llyfr Achosion Cod Ymddygiad (y Llyfr Achosion). Am beth amser cyn hynny bu'r Ombwdsmon yn cynhyrchu llyfr achosion oedd yn ymwneud â'r cwynion y bu'n ymchwilio iddynt o safbwynt camweinyddu honedig gan gyrrff cyhoeddus. Yn dilyn galwadau i ddefnyddio dull tebyg o safbwynt cwynion cod ymddygiad, dechreuodd yr Ombwdsmon gyhoeddi'r Llyfr Achosion yn 2013.

4.2. Yn wreiddiol, roedd y Llyfr Achosion yn cael ei gyhoeddi ddwywaith y flwyddyn, fodd bynnag mae'r Ombwdsmon wedi penderfynu cynhyrchu'r llyfr achosion yn chwarterol o fis Ebrill 2015. Mae'r Llyfr Achosion yn cynnwys crynodeb o bob achos y mae'r Ombwdsmon wedi cwblhau ymchwiliad iddynt yn ystod y cyfnod perthnasol. Mae Rhifyn diweddaraf y Llyfr Achosion yn cynnwys blwyddyn calendr 2020.

4.3. Cynhyrchwyd y Llyfr Achosion i gynorthwyo Aelodau ac eraill i ystyried a yw'r amgylchiadau y maent yn eu hwynebu yn arwain at dorri'r Cod. Roedd hyn yn

ychwanegiad i gyhoeddi esiamplau gwirioneddol yng Nghanllaw Ombwdsman Gwasanaethau Cyhoeddus Cymru ynglŷn â'r Cod.

- 4.4. Mae'r Llyfr Achosion hefyd yn cynorthwyo Pwyllgorau Safonau awdurdodau lleol trwy roi mynediad iddynt at wybodaeth am y ffordd mae Pwyllgorau Safonau eraill yng Nghymru yn gosod cosbau a chael gwared ar achosion ac yn helpu i esbonio pam, mewn rhai achosion, y gall yr Ombwdsmon wrthod ymchwilio achosion honedig o dorri rheolau ar y sail nad yw honiadau blaenorol tebyg wedi arwain at gosb.
- 4.5. Mae Atodiad 1 i'r adroddiad hwn yn cynnwys Rhifyn 24 o'r Llyfr Achosion a gyhoeddwyd ym mis Ebrill 2021, yn trafod y cyfnod o Ionawr 2020 i Ragfyr 2020. Bydd Aelodau'n nodi bod 13 crynodeb achos yn y rhifyn hwn o'r llyfr achosion, 10 yn canfod nad oedd camau gweithredu'n angenrheidiol, 2 yn derbyn atgyfeiriad at y Pwyllgor Safonau ac un ohonynt at Banel Dyfarnu Cymru.
- 4.6. O'r achosion nad oedd camau gweithred yn cael eu hystyried yn angenrheidiol, roedd 7 yn ymwneud â chydraddoldeb a pharch, dau yn ymwneud â dyletswydd i gynnal y gyfraith ac un mewn perthynas â datgelu buddion. Bydd Aelodau'n gweld bod swyddfa'r Ombwdsmon wedi cynnal ymchwiliad i bob un o'r achosion hyn, ac wedi dod i'r casgliad am amryw o resymau nad oedd ym mudd y cyhoedd i gymryd camau pellach yn erbyn y sawl y gwnaed cwynion amdanynt.
- 4.7. O'r achosion a atgyfeiriwyd at y Pwyllgor Safonau, roedd un yn ymwneud ag aelod o Gyngor Sir Ddinbych. Cynhaliodd y Pwyllgor wrandawriad mewn perthynas â'r mater, ac mae'r canlyniad yn destun apêl. Roedd yr achos arall a atgyfeiriwyd at y Pwyllgor Safonau yn cynnwys aelod o gyngor cymuned yn Ne Cymru, a honnwyd i fod wedi camddefnyddio cerdyn debyd oedd yn perthyn i'r cyngor cymuned hwnnw. Fe ymddiswyddodd yr aelod o'u rôl, a chafwyd ymchwiliad gan yr heddlu. Cafodd y mater ei atgyfeirio at y pwyllgor safonau perthnasol ar y sail bod gweithredoedd yr aelod yn golygu torri amodau paragraff 7 y Cod a gellir ystyried ei fod dwyn anfri ar gyngor y cyngor cymuned.
- 4.8. Roedd yr achos a atgyfeiriwyd at Banel Dyfarnu Cymru yn cynnwys Cynghorydd o Gyngor Cymuned Sili a Larnog ym Mro Morgannwg. Honnwyd bod y Cynghorydd dan sylw wedi cyhoeddi cyfres o negeseuon ar y cyfryngau cymdeithasol am wleidyddion benywaidd o broffil uchel a oedd yn sarhaus heb reswm, a gellir ystyried ei fod wedi dwyn anfri ar y Cyngor. Roedd y sylwadau'n cael eu hystyried i fynd tu hwnt i fynegiad gwleidyddol a byddai gorfodi cosb yn ymyrraeth gymesur â hawl y Cynghorydd i leisio barn. Penderfyniad Panel Dyfarnu Cymru oedd diarddel y Cynghorydd o'i swydd am gyfnod o 15 mis.

## **5. Sut mae'r penderfyniad yn cyfrannu at y Blaenoriaethau Corfforaethol?**

- 5.1. Nid yw'r adroddiad yn cael effaith uniongyrchol ar y blaenoriaethau corfforaethol.

## **6. Faint fydd hyn yn ei gostio a sut y bydd yn effeithio ar wasanaethau eraill?**

- 6.1. Nid oes costau uniongyrchol yn gysylltiedig â'r adroddiad.

**7. Beth yw prif gasgliadau'r Asesiad o'r Effaith ar Les?**

7.1. Nid oes angen asesiad o'r effaith ar gyfer yr adroddiad hwn.

**8. Pa ymgynghoriadau sydd wedi'u cynnal gyda Chraffu ac eraill?**

8.1. Ni fu adroddiad nac ymgynghoriad ar y mater hwn yn unman arall.

**9. Datganiad y Prif Swyddog Cyllid**

9.1. Nid oes unrhyw oblygiadau ariannol uniongyrchol o ganlyniad i'r adroddiad hwn.

**10. Pa risgiau sydd ac a oes unrhyw beth y gallwn ei wneud i'w lleihau?**

10.1. Nid oes unrhyw risgiau uniongyrchol sy'n gysylltiedig â'r adroddiad hwn.

**11. Pŵer i wneud y Penderfyniad**

11.1. Nid oes angen penderfyniad.